



ინოვაციის, ინკლუზიურობის და ხარისხის პროექტი - საქართველო I2Q (IBRD)

INNOVATION, INCLUSION and QUALITY PROJECT - GEORGIA I2Q



MES 5 22 0001499544



24/11/2022

კონკურენტული ინოვაციის ფონდის (CIF) ფარგლებში პირველი საგრანტო კონკურსის გამოცხადების შესახებ

საქართველოს განათლებისა და მეცნიერების მინისტრის 2020 წლის 09 მარტის №338 ბრძანების პირველი პუნქტით დამტკიცებული პროგრამის „ინოვაციის, ინკლუზიურობის და ხარისხის პროექტი - საქართველო I2Q (IBRD)“ (პროგრამული კოდი 32 08; შემდგომში - პროგრამა) მე-4 და მე-5 მუხლების, საქართველოს განათლებისა და მეცნიერების მინისტრის 2022 წლის 02 ივნისის №582615 ბრძანების პირველი პუნქტით დამტკიცებული „კონკურენტული ინოვაციის ფონდის (CIF) მართვის სახელმძღვანელოს“ (შემდგომში - კონკურენტული ინოვაციის ფონდის (CIF) მართვის სახელმძღვანელო), „კონკურენტული ინოვაციის ფონდის (CIF) მართვის სახელმძღვანელოს“ ფარგლებში გრანტების გამცემი და საჩივრების განმხილველი კომისიების შექმნის შესახებ“ საქართველოს განათლებისა და მეცნიერების მინისტრის 2022 წლის 26 ივლისის №844623 ბრძანებით შექმნილი გრანტების გამცემი კომისიის 2022 წლის 10 ოქტომბრის №1 და 2022 წლის 24 ოქტომბრის-4 ნოემბრის №2 სხდომების ოქმების საფუძველზე და კონკურენტული ინოვაციის ფონდის (CIF) ადმინისტრირების ერთეულის ხელმძღვანელის 2022 წლის 23 ნოემბრის №1493777 სამსახურებრივი ბარათის გათვალისწინებით,

ვბრძანებ:

1. კონკურენტული ინოვაციის ფონდის (CIF) ფარგლებში გამოცხადდეს პირველი საგრანტო კონკურსი (შემდგომში - კონკურსი).
2. კონკურსი წარიმართოს კონკურენტული ინოვაციის ფონდის (CIF) მართვის სახელმძღვანელოს რეგულაციების მიხედვით.
3. საგრანტო განაცხადები წარმოდგენილ იქნას ელექტრონულად, გრანტების მართვის ვებპორტალზე - www.grants.gov.ge.

4. უმაღლესი საგანმანათლებლო პროგრამებისა და სასწავლო გარემოს სწრაფი მოდერნიზაციის და შრომის ბაზართან კავშირების გაძლიერების მიზნით, კონკურსის ფარგლებში დამტკიცდეს პრიორიტეტებისა და თემატიკის შემდეგი ჩამონათვალი:

- უცხო ქვეყნის კანონმდებლობის შესაბამისად აღიარებულ უმაღლესი საგანმანათლებლო დაწესებულებასთან თანამშრომლობით, ერთობლივი აკადემიური ხარისხის (მათ შორის, ე.წ. „ორმაგი ხარისხის“) მინიჭების და/ან საერთაშორისო აკრედიტაციის ხელშეწყობის მიზნით საგანმანათლებლო პროგრამების შექმნა/განვითარება;
- შრომის ბაზრის საჭიროებებზე (მათ შორის - საქართველოს რეგიონების სპეციფიურ საჭიროებებზე) მორგებული საგანმანათლებლო პროგრამების შექმნა/განვითარება (სმარტსპეციალიზაცია, მესამე მისია და სხვ.);
- პრაქტიკული უნარების განვითარებაზე ორიენტირებული საგანმანათლებლო პროგრამების შექმნა/განვითარება;
- ინდუსტრიასთან/კერძო სექტორთან თანამშრომლობის ხელშეწყობა (დამსაქმებლის საჭიროებაზე მორგებული ერთობლივი საგანმანათლებლო პროგრამების შექმნა/განვითარება (ერთობლივი სწავლება/ სტაჟირება, კვლევები/სხვა ინიციატივები სწავლების სხვადასხვა საფეხურზე, მათ შორის, სტრუქტურირებული სადოქტორო პროგრამები);
- სამეწარმეო განათლების განმავითარებელი პროექტები/პროგრამები.

5. კონკურსში მონაწილეობის მიღება შეუძლია:

ა) სახელმწიფოს მიერ დაფუძნებულ უმაღლეს საგანმანათლებლო დაწესებულებას (ერთი აპლიკანტი);

ბ) კონსორციუმს, რომელიც შედგება მინიმუმ ორი ან მეტი უმაღლესი საგანმანათლებლო დაწესებულებისაგან (აქედან მინიმუმ ერთი უნდა იყოს სახელმწიფოს მიერ დაფუძნებული უმაღლესი საგანმანათლებლო დაწესებულება), რომლებიც პროექტის მთავარი ბენეფიციარები იქნებიან.

6. ამ ბრძანების მე-5 პუნქტით გათვალისწინებულ ორივე შემთხვევაში, წარმოდგენილი საგრანტო განაცხადები უნდა ითვალისწინებდეს პარტნიორობის (თანამშრომლობის) დემონსტრირებას. პარტნიორად შეიძლება განხილულ იყვნენ ადგილობრივი და/ან საერთაშორისო კერძო სექტორის წარმომადგენლები, ადგილობრივი და/ან საერთაშორისო საგანმანათლებლო ან კვლევითი ორგანიზაციები, ასევე არასამთავრობო ორგანიზაციები. გრანტების მომხმარებლები და ბენეფიციარები შეიძლება იყვნენ მხოლოდ ადგილობრივი ინსტიტუციები - საქართველოში დაფუძნებული იურიდიული პირები.

7. კონკურსის ფარგლებში გასაცემი გრანტების ბიუჯეტის საერთო ოდენობა განისაზღვროს 2.000.000 (ორი მილიონი) აშშ დოლარის ექვივალენტით ლარში, გრანტების გამცემი კომისიის მიერ დასაფინანსებელ კანდიდატთა საბოლოო სიის დამტკიცების დღისათვის არსებული საქართველოს ეროვნული ბანკის მიერ დადგენილი გაცვლითი კურსის შესაბამისად.

8. გრანტის მაქსიმალური ოდენობა ერთი აპლიკანტის მიერ წარმოდგენილი ერთი საგრანტო წინადადებისათვის განისაზღვროს არაუმეტეს 110 000 (ას ათი ათასი) აშშ დოლარის

ექვივალენტით ლარში, აპლიკანტის მიერ საგრანტო წინადადების წარმოდგენის დღისათვის არსებული საქართველოს ეროვნული ბანკის მიერ დადგენილი გაცვლითი კურსის შესაბამისად.

9. გრანტის მაქსიმალური ოდენობა კონსორციუმის მიერ წარმოდგენილი ერთი საგრანტო წინადადებისათვის განისაზღვროს არაუმეტეს 200 000 (ორასი ათასი) აშშ დოლარის ექვივალენტით ლარში, კონსორციუმის მიერ საგრანტო წინადადების წარმოდგენის დღისათვის არსებული საქართველოს ეროვნული ბანკის მიერ დადგენილი გაცვლითი კურსის შესაბამისად.

10. კონკურსის დაწყების თარიღად განისაზღვროს 2022 წლის 30 ნოემბერი, ხოლო კონკურსის დასრულების თარიღად - 2023 წლის 20 თებერვლის 23:59 საათი.

11. კონკურსთან დაკავშირებით საინფორმაციო ხასიათის კითხვების წარმოდგენის ბოლო ვადად განისაზღვროს 2023 წლის 31 იანვარი. შეკითხვები წარმოდგენილ უნდა იქნას ელექტრონული ფოსტის შემდეგ მისამართზე: cif@iiq.gov.ge.

12. დაევალოს კონკურენტული ინოვაციის ფონდის (CIF) ადმინისტრირების ერთეულს კონკურსის ფარგლებში გრანტების მართვის ვებპორტალის ადმინისტრირებისათვის (კონკურსის გამოქვეყნების, აპლიკაციის შევსებისა და გადაგზავნის მოდულების ჯეროვნად ფუნქციონირება) შესაბამისი ღონისძიებების განხორციელება და კონკურსის შესახებ ინფორმაციის გამოქვეყნების უზრუნველყოფა:

ა) საქართველოს განათლებისა და მეცნიერების სამინისტროს ოფიციალურ ვებგვერდზე - www.mes.gov.ge;

ბ) პროგრამის ოფიციალურ ვებგვერდზე - www.iiq.gov.ge;

გ) გრანტების მართვის ვებპორტალზე - www.grants.gov.ge.

13. დაევალოს პროგრამის ადმინისტრაციულ მენეჯერს ბრძანების დაინტერესებული პირებისათვის კანონმდებლობით დადგენილი წესით გაცნობის უზრუნველყოფა.

14. ბრძანება ძალაშია ხელმოწერისთანავე.

15. ბრძანება შეიძლება გასაჩივრდეს მისი გამოცემიდან ერთი თვის ვადაში თბილისის საქალაქო სასამართლოში (მის.: ქ. თბილისი, აღმაშენებლის ხეივანი №64).

საქართველოს განათლებისა და მეცნიერების
სამინისტრო
პროგრამა „ინოვაციის, ინკლუზიურობის და
ხარისხის პროექტი - საქართველო I2Q (IBRD)“
აღმასრულებელი დირექტორი
თამარ სანიკიძე

